

სსიპ სოხუმის სახელმწიფო უნივერსიტეტის მიერ ეკონომიკური შემოსავლების ფარგლებში ელექტრონული ტენდერის საშუალებით

უნივერსიტეტის ბალანსზე რიცხული ავტომობილების შეკეთებისა და ტექნიკური მომსახურების სახელმწიფო შესყიდვის მიზნით

სატენდერო კომისიის სხდომის ოქმი #1

ქ.თბილისი

„ 3 “ თებერვალი 2021 წელი

სხდომას ესწრებოდნენ:

ნინო თოფურიძე

კომისიის წევრები:

1. ალექსი გახარია - ადმინისტრაციის ხელმძღვანელის მოადგილე;
2. წიგწივაძე - ფინანსებისა და აღრიცხვის სამსახურის უფროსი;
3. მელორ მილორავა - მატ. რესურსების მართვის სამსახურის უფროსი;
- 4.

აპარატის წევრები:

1. თამარ მერკვილიშვილი - ფინანსებისა და აღრიცხვის სამსახურის შესყიდვების კოორდინატორი

სხდომას საპატიო მიზეზით არ ესწრებოდნენ: მარიამ მირესაშვილი, კონსტანტინე ნინიძე, როლანდ შენგელია, რ.ხვიჩია

დღის წესრიგი:

სსიპ სოხუმის სახელმწიფო უნივერსიტეტის სახელმწიფო შესყიდვების გეგმის თანახმად უნივერსიტეტის ბალანსზე რიცხული ავტოსატრანსპორტო საშუალებების შეკეთებისა და ტექნიკური მომსახურების (შესყიდვის ობიექტის ერთგვაროვნების კოდი: CPV 50112000) შესყიდვის მიზნით სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის“ შესაბამისად, ელექტრონული ტენდერის გამოსაცხადებლად განცხადებისა და სატენდერო დოკუმენტაციის/პირობების პროექტის განხილვა-დამტკიცება.

მოისმინეს:

სატენდერო კომისიამ განიხილა ელექტრონული ტენდერის განსახორციელებლად შედგენილი სატენდერო დოკუმენტაციის/პირობებისა და სატენდერო განცხადების პროექტი.

სატენდერო კომისიამ განიხილა 2021 წლის 2 მარტის N 15/02-24 მატერიალური რესურსების მართვის უფროსის მელორ მილორავას მიერ წარმოდგენილი „მოხსენებითი ბარათი“ თანდართული „პრეისკურანტებით“.

წარმოდგენილ დოკუმენტაციაზე კომისიის წევრებს შორის გაიმართა მსჯელობა და გამოითქვა მოსაზრებები. მოსაზრებები გამოთქვეს კომისიის წევრებმა: მელორ მილორავამ, როლანდ ხვიჩიამ. კომისიამ იმსჯელა და განისაზღვრა პრეისკურანტების ჯამური სავარაუდო ღირებულება (ორივე ავტომობილზე) 98 599 (ოთხმოცდათვრამეტი ათას ხუთას ოთხმოცდაცხრამეტი) ლარი, ხოლო სახელშეკრულებო ღირებულებად განისაზღვრება 12 000 (თორმეტი ათასი ლარი), რომლებიც დადგენილ იქნა, შემსყიდველი ორგანიზაციის მიერ, ბაზარზე არსებული ფასების, ინტერნეტწყაროებზე დაყრდნობით და წინა საანგარიშო პერიოდის გამოცდილების საფუძველზე.

კომისიამ იმსჯელა ძირითად სატენდერო პირობებზე და განისაზღვრა პრეტენდენტის მიერ ფასწარმოქმნის ადეკვატურობის დასაბუთების ფორმულირება (ასეთის არსებობის შემთხვევაში) : იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას ექსპერტიზის ან/და აუდიტის დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტის ასლი), რომლებშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო მომსახურების პრეისკურანტში (ხარჯთაღრიცხვაში) (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე მომსახურების პრეისკურანტით (ხარჯთაღრიცხვით) განსაზღვრული შესყიდვის ობიექტის (საქონლის ან/და მომსახურების გაწევის) მიწოდების შესაძლებლობა.

ფასწარმოქმნის ადეკვატურობის დასაბუთების წარმოსადგენად პრეტენდენტს განესაზღვრა 3 (სამი) სამუშაო დღის ვადა.

სატენდერო კომისიის მიერ, პრეტენდენტს განესაზღვრა სამუშაოს/საქონლის მიწოდების შემდეგნაირი პირობები და ვადები:

1) მომსახურება უნდა განხორციელდეს 2021 წლის პერიოდში - ეტაპობრივად, შემსყიდველის მოთხოვნის შესაბამისად - ხელშეკრულების დადებიდან 2021 წლის 31 დეკემბრის ჩათვლით.

2) პრეტენდენტის სერვის ცენტრი უნდა მუშაობდეს კვირაში არანაკლებ 6 დღის განმავლობაში, დღეში არანაკლებ 7 საათით.

3) მომსახურების გაწევის ვადა არ უნდა აღემატებოდეს:

- სავალი ნაწილებისათვის და ელექტრონობისთვის 3 კალენდარულ დღეს;

- აგრეგატებისათვის 8 კალენდარულ დღეს;

- სათუნუქე სამღებრო სამუშაოებისათვის და ხანგრძლივი მომსახურების (ძრავი, ხიდი, სიჩქარეთა კოლოფი) გაწევის ვადა 15 კალენდარულ დღეს;

- სათადარიგო ნაწილის ქართულ ბაზარზე არ არსებობის შემთხვევაში მომსახურების გაწევის ვადა 30 კალენდარულ დღეს;

სატენდერო კომისიის მიერ, აღნიშნულ შესყიდვასთან დაკავშირებული შესწავლილი პრაქტიკისა და სპეციფიკის გათვალისწინებით, პრეტენდენტს განესაზღვრა ასევე საგარანტიო ვადები და პირობები:

1) მიმწოდებლის მიერ შეცვლილ/შეკეთებულ სათადარიგო ნაწილებზე (გარდა ძირითადი აგრეგატების (ძრავი, ხიდი, გადაცემათა კოლოფი) ნაწილებისა) გარანტია უნდა შეადგენდეს მიღება-ჩაბარების აქტის გაფორმებიდან არანაკლებ 6 (ექვსი) თვეს.

2) ძირითად აგრეგატებზე (ძრავი, ხიდი, გადაცემათა კოლოფი) გაწეული მომსახურების შემთხვევაში, შეცვლილ სათადარიგო ნაწილებზე გარანტია უნდა შეადგენდეს მიღება-ჩაბარების აქტის გაფორმებიდან არანაკლებ 1 (ერთი) წელს.

3) მიმწოდებლის მიერ შეცვლილ შემდეგ სათადარიგო ნაწილებზე, უნდა ვრცელდებოდეს საგარანტიო ვადა, ავტომობილის მიერ განვლილი კომეტრაჟის შედამისად. ძრავის კბილანა ღვედი 50 000 კმ, სამუხრუჭე ხუნდები 15 000 კმ.

4) იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.

5) საგარანტიო ვადის განმავლობაში შესყიდვის ობიექტის მიერ დეფექტის/წუნის გამოვლენის შემთხვევაში იგი უნდა შეკეთდეს ან შეიცვალოს ახლით შემსყიდველის სატენდერო დოკუმენტაციის 1.4 პუნქტით განსაზღვრულ ვადებში.

6) მომსახურების გაწევის პროცესში, მიმწოდებლის ბრალეულობით ავტოსატრანსპორტო საშუალების დაზიანების შემთხვევაში, ზიანის აღმოფხვრის ხარჯებს სრულად ანაზღაურებს მიმწოდებელი.

7) მიმწოდებელი ვალდებულია დაზიანების აღმოფხვრა მოახდინოს ავტომობილის დაზიანებიდან 3 (სამი) სამუშაო დღეში.

8) თუ დაზიანების აღმოფხვრა შეუძლებელია 3 (სამი) სამუშაო დღეში, შემსყიდველი და მიმწოდებელი ურთიერთშეთანხმების საფუძველზე შედარსდებიან ვადაზე, რა ვადაშიც მიმწოდებელმა უნდა უზრუნველყოს ნაკლის აღმოფხვრა.

სატენდერო კომისიის გადაწყვეტილებით, პრეტენდენტს 2019 წლის 1 იანვრიდან - 2021 წლის 1 იანვრამდე უნდა ჰქონდეს მანქანების შეკეთებისა და ტექნიკური მომსახურების გამოცდილება არანაკლებ 24 000 ლარის ოდენობით, რომლის დამადასტურებლად პრეტენდენტმა ელექტრონულ სისტემაში უნდა ატვირთოს ტექ-მომსახურების გაწევის დამადასტურებელი შემდეგი დოკუმენტები: ხელშეკრულებ(ებ)ი (თითოეულ წელს არანაკლებ 1 (ერთი) ხელშეკრულება) და ამ ხელშეკრულების საფუძველზე გაფორმებული გაწეული

ტექ-მომსახურების ამსახველი მიღება-ჩაბარების აქტ(ებ)ი ან/და შესრულების დამადასტურებელი სხვა დოკუმენტაცია. სახელმწიფო შესყიდვის შესახებ ხელშეკრულებ(ებ)ის არსებობის შემთხვევაში საკმარისია შესაბამისი SPA, NAT, CMR ნომრების წარმოდგენა.

სატენდერო კომისიამ განსაზღვრა პრეტენდენტის მატერიალურ-ტექნიკური ბაზის შესახებ ინფორმაციის წარმოდგენის მოთხოვნა:

1) სერვისცენტრის საკუთრებაში ქონის შემთხვევაში, ერთიან ელექტრონულ სისტემაში ატვირთულ უნდა იქნეს საკუთრების დამადასტურებელი დოკუმენტ(ებ)ი, ხოლო, სარგებლობის უფლებით ფლობის შემთხვევაში - სარგებლობის უფლების დამადასტურებელი დოკუმენტ(ებ)ი, რომელთა მოქმედების ვადა ტოლი უნდა იყოს ან აღემატებოდეს ხელშეკრულებით გათვალისწინებული მომსახურების ვადას. სერვის ცენტრის სარგებლობაში არსებობის შემთხვევაში პრეტენდენტმა უნდა ატვირთოს სარგებლობის უფლებით არსებული სერვის-ცენტრის მესაკუთრის საკუთრების დამადასტურებელი დოკუმენტაცია.

2) პრეტენდენტმა უნდა წარმოადგინოს ინფორმაცია საკუთრებაში/სარგებლობაში არსებული მოწყობილობა-მექანიზმების შესახებ, რითაც შესაძლებელი იქნება იმის დადგენა, შეუძლია თუ არა პრეტენდენტს პრეისკურანტში მითითებული მომსახურებების გაწევა.

3) პრეტენდენტის საკუთრებაში ან სარგებლობაში არსებული სერვის-ცენტრი უნდა იყოს ქ. თბილისში, ა. პოლიტოვსაკაი N16-დან არაუმეტეს 20 კილომეტრი სამანქანო გზის მანძილზე. პრეტენდენტმა უნდა წარმოადგინოს სერვის-ცენტრი(ები)ს მისამართი(ები)

დადგინდა, შესყიდვის ობიექტის მიღება-ჩაბარების, ანგარიშსწორების ვადები და პირობები: „მიმწოდებელთან“ ანგარიშსწორება განხორციელდება ეტაპობრივად უნაღდო ანგარიშსწორების ფორმით ეროვნულ ვალუტაში. ანგარიშსწორება მიმწოდებელთან განხორციელდება უნაღდო ანგარიშსწორებით „ფაქტობრივად“ გაწეული მომსახურების რაოდენობის შესაბამისად, ინსპექტირებაზე უფლებამოსილი პირ(ებ)ის დადებითი დასკვნის, მიმწოდებლის მიერ საქართველოს კანონმდებლობით დადგენილი შესაბამისი დოკუმენტების (მათ შორის საგადასახადო ანგარიშგაქტურა/ზედნაღები) საფუძველზე შედგენილი მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

დადგინდა პრეტენდენტის მიერ ერთიან ელექტრონულ სისტემაში განსათავსებელი ტექნიკური დოკუმენტაცია და ინფორმაცია:

1. დანართი N1 - ტექნიკური დავალება, სატენდერო დოკუმენტაციის 1.2. პუნქტის შესაბამისად,

2. პრეისკურანტები - სატენდერო დოკუმენტაციის 1.3. პუნქტის შესაბამისად;

3. დანართი N3 - ინფორმაცია პრეტენდენტის შესახებ გამოცდილების შესახებ, სატენდერო დოკუმენტაციის 2.2.1 პუნქტის შესაბამისად.

4. ინფორმაცია სერვის-ცენტრების შესახებ, სატენდერო დოკუმენტაციის 2.3.1. პუნქტის შესაბამისად

სატენდერო დოკუმენტაციით მოთხოვნილი, ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, სავალდებულოა დამოწმებული/დადასტურებული იყოს კვალიფიციური ხელმოწერით ან/და კვალიფიციური შტამით. ამასთანავე, ხელმოწერა უნდა განხორციელდეს შესაბამისი უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა).

ჩამოყალიბდა:

გაცნობის შემდეგ, სატენდერო კომისიის მიერ ერთხმად იქნა მიღებული სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის“ საფუძველზე მომზადებული სატენდერო განცხადება, პირობები და დანართები (იხ. თანდართული ფაილი). განისაზღვრა შესყიდვის ობიექტის ერთგვაროვნების კოდი: CPV 50100000 და შესყიდვის ტიპი-ერთეულები ელექტრონული ტენდერი (SPA).

სატენდერო კომისიამ დაადგინა:

1. დამტკიცდეს სსიპ სოხუმის სახელმწიფო უნივერსიტეტის ბალანსზე რიცხული ავტომობილების ტექნიკური შეკეთებისა და მომსახურების შესყიდვის მიზნით ელექტრონული ტენდერის განცხადებისა და სატენდერო დოკუმენტაციის/პირობების პროექტი (იხ. დანართები).

2. დამტკიცდეს შემდგომ სატენდერო კომისიის აპარატმა უზრუნველყოს ელექტრონული ტენდერის ჩატარების შესახებ განცხადებისა და სატენდერო დოკუმენტაციის/ პირობების გამოქვეყნება სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge>.

სატენდერო კომისიის თავმჯდომარე:

ნინო თოფურიძე

1. ალექსი გახარია

2. ნინო წივწივაძე

3. მელორ მილორავა

აპარატის წევრები:

1. თამარ მერკვილიშვილი